



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Practica Theologiae Mysticae

Gelen, Victor

Coloniae Agrippinae, 1652

Praxis Modi Svernaturalis Quis ordo & quae conditio In genere.
Paraphrasis Prima.

urn:nbn:de:hbz:466:1-9766

P R A X I S

M O D I S V P E R N A T V R A L I S

QVIS ORDO ET QVÆ CONDITIO
I N G E N E R E.

P A R A P H R A S I S P R I M A.

INTELLIGENTIA *est opus in visione.* ac si diceret, ad plenam, & perfectam notitiam rei alicuius, præfertim ob sui præstantiam absconditæ, non est satis illam taliter, qualiter vidisse: sed articulata, certa, ac sublimi aliqua notitia opus est, priusquam aliquis sciat, quæ à Deo sibi donata sunt. ad hoc autem cum nil ita condicat, sicut ordinata, consecutiua, & dilucida scriptio nis breuitas; ideo hoc loco, practicū in genere instruere voluimus, quo ita secure intelligat, penetretq; illa, quæ in visione, ceu in inuolucro apparere, & vniuersaliter ad praxin omnium statuum Secundæ partis referri solent. idque non tantum, ut ex frequenti repetition fastidium caueatur; sed etiam, ut in praxi simpliciores pia animæ non perturbentur, neuè mens ipsarum sic intricetur, ut vix intelligere valent, quod legunt; at potius, ceu in speculo, sua interiora dijudicent. vnde hic dicitur.

- I. *Quo ordine, styllo, & modo praxis sit tradita.*
- II. *Continuò maior radicatio in charitate, per omnes status, & exercitium actus, aliam atque aliam, conformem tamen, requirit operationem.*
- III. *Quod propter varia accidentia huius virtutis, mysticus quandoque deficiat ab intellectu ordinis practici, & eius executione.*
- IV. *Quis sit modus inueniendi proprium statum mysticum.*
- V. *De modo utiliter legendi praxin, ad prosecutionem status proprij.*
- VI. *Familiaria colloquia de mysticis in praxi efficacius illuminare, quam ea quæ scripto traduntur.*
- VII. *Quæ sit differentia inter mysticos fundos, dimensiones spheras, Regiones, rbi, sim mentales, operationes, seu verba, ac status.*
- VIII. *Brevis deductio eorum, quæ eueniunt in praxi per omnes status secunda Partis.*

ARTI-

a Dan. 10.

ARTICVLVS PRIMVS.

Quo Ordine, stylo, & modo, praxis sit tradi-

Quea Deo sunt, à ordinata sunt. ac si diceret, ô pia anima, quod si humana cohabitatio in hoc mundo pacificè possideri non potest; nisi omnis anima sublimioribus potestatibus subiecta sit, & illarum prouidentia gubernetur; quantò magis hoc ipsum fieri debet in ijs, quæ ad Dei amicitiam continuandam, (in qua vel maximè spiritualia, seu mystica eminent) ordinare prosunt? & ideo sollicitè rogat pia anima sibi indicari, vbi Deus optimus maximus pascat, & cubet in meridie; huius scilicet miserrimæ vitæ: quæ in ijs, quæ ad Deum sunt, cœcitate, & rectè agendi debilitate percussa, languet, facillimè aberrat, ac vagari incipit post greges sodalium suorum, scilicet tam internorum, quam externorum sensuum, & omnium potentiarum; ita vt, dum susque, deque insequitur illum, quem diligit anima eius, frequenter tamen ipsum non inueniat: illa potissimum de causa, quod non satis ordinatè sciat separare vile à pretioso, & immundum à mundo. & certè, nihil nos ad summam hanc practicam scribendam usque adeo induxit, quam confusus ille, & passim in praxi obuius modus in interioribus operandi, ad omne id, quod vel aliquam sensibilem deuotionem videtur olere: quem etiam

defectum in viris mysticæ vitæ cum primis deditis, ac etiam spiritualibus magistris, oculis nostris perspeximus; ita vt ipsimet suum proprium statum ignorarent, silo, quod scirent, quo ordine fruitio mystica, aut incipienda, aut rectè, securequé, ac integra realitate continuanda foret, aut ordinate, de statu in statum, pro ut incipit, proficit, & perficitur, transcendit.

Quapropter non scientificum, sed practicum ordinem insequendo, singula eo loco ponuntur, in quo mysticus de præsenti dispositus est practicare hoc ipsum quod legerit, & suo statui conueniens fuerit. quod ut facilis euadat, breuiter hic in memoriā revocamus; practicum ordinem, tam supra b quam infra, c diuidi in modum naturaliter, & modum supernaliter operandi. & quidem modum naturalem esse, qui cum rationis discursu, & usū imaginationis, sua interiora perficit; ac incipientibus, ac proficientibus per exercitia meditationis, adspirationis, & contemplationis ordinarius est. Modum vero supernalē esse, qui simplici intelligentia, & absque phantasmatum usū procedit, & hoc ipsum per dona intellectus, vel sapientiæ, habitualiter præstat. & quidem duplex hæ mentis cum Deo refectio, significata videatur per duplē Elizæ (viri familiaris Diuinæ assueti) confortationem, primò enim cum Angelico cibo, d & potu

a Rom. 13. b 1. Par. decis. I. a. 3. c 2. Par. decis. I. a. 1. d 1. Reg. 19.

potu nutritus fuisset, non procul profectus est; vnde etiam incipientes, & proficiētes pro ordinario exercitio, extra modum naturaliter operandi non progrediuntur. Secundo verò, cum similiter commedisset, & bibisset, confortatus grandem viam usque ad montem Dei Horeb confecit: & id eo dein perfecti perlaboriosam viam, priuationis incedunt; dein montem status unionis ascendunt, & tandem in statu Transformationis, familia-ribus diuinis colloquijs dignantur, sim- plici intelligentia, atque Angelis con-formi modo. Et licet illiterati, sim-plicioresue, hunc ordinem non tam ci-to obseruare valeant; temporistamen successu, cum progressum fecerint, ex reali, & vitali praxi, sua interiora or-dinate dijudicabunt, & sibi evenisse gaudebunt, quod illi, qui cœlorum motus, & Astronomicas obserua-tiones primò quidem nesciuit; vnde et iam stellas, & planetas, non cum or-dine, sed in confuso quodam intuitu aspiciebat: postmodum de omnibus instructus, ordinate nominibus suis omnes vocat; quæ in cœli machina di-judicare licuerit.

In statibus ergo primæ partis, cum tot dubia, & scitu necessaria non oc-currant, & interea, dum illi practican-tur, incertus sit profectus, ac transi-tus ad hosce supernaturales status; mo-dica synopsi paraphrastica praxin tra-dere consultius visum fuit: At in præ-fentiarum, eò quod ampliores occur-

rant difficultates, & status sublimio-res, profusiōri quoque deductione paraphrastica, ceu stylo plano, & ad realem praxis intelligentiam, pro il-literatis, & rudioribus accommoda-tissimo; ac etiam pro ut operationis conditio, intensio, & remissio in Nunc præsenti expetere videtur, dicendum est. quo ita omnes querimoniæ, du-bia, operationes, solatia, ariditatis, & notabiliora quæ in interioribus ex-ercitijs contingere solent, clare pro-ponantur, mysticique modi, & in-dustriæ practicæ suggestantur ac piecio-tiores illiterati interiora sua dilucidius intelligere, faciliusue practicare va-leant. cuius rei gratia primò dicitur b summiè, quid fiat in praxi per o-mnes status mysticos, qui in hac se-cunda parte tractantur: dein in om-ni paraphrasi quolibet articulo pri-mo, breuiter dicitur id, quod in to-to statu, dein, quod in eius infimo, me-dio, vel summo, aut contra eve-nire solet. in quibus omnibus, cum grandis nobis sit sermo, & interpre-tabilis ad dicendum, cuiilibet articu-lo sententiam aliquam Sacrae Scriptu-ræ præponimus; quo saltem hoc mo-do, declaratio sermonum tuorum Domine illuminet, & intellectum det parvulis. nolumus enim in visionibus Angelorum, quam non vidimus, am-bulare, aut de perfectione spirituali, prout secundum speculationem sci-entificam considerari potest, procedere; sed potius simplicioribus, & secundum iudi-

a 1, Reg. 19. b Paraphr. 1. art. 9.

iudicium Sancti Hierothei ad vitam mysticam magis aptis, quam doctis, & scientiarum sublimitate in intellectu summae intricatis: prudentiam eloquij mystici (pro ut Deo miserante datum fuerit) exponere; nec mihi soli labore. & hoc ipsum dupli modo; primo quidem per simplicem narrationem paraphrasticam, seu ad proposita sententiam Sacre Scripturæ conlocutionem; quo ita tam docti, quam illiterati, ad praxin peraccommoda facilitate deducantur, & quilibet, quæ ad arcani amoris progressum contulerint, pro sua capacitate sat clarè intelligat. & hoc ut digne praestetur, necesse non est. ut omnes æqualiter ingenio, aut scientia polleant, sed satis est, ut quilibet, ita circa illa quæ legerit, versetur, ut sufficenter, intelligat, quid in praxi agendum sit. quo in genere simpliciores sæpè maximè doctos excendunt; pro ut etiam in patria, seu clara visione, quilibet ad suam plenitudinem, Deum quidem videt indoctus, tamen docto aliquando perfectius. Secundò verò per varias sententias mysticorum, quemlibet statum, & quæ ad eius notitiam faciunt, explicamus: quo ita, tam litterati, quam rudes, in occurribus tædijs, etiam ex sola lectione, robur, & consolationem spiritus elicant. aliquando enim fit, ut vel unicum verbum, quod statum proprium direcet, tangit, plus illuminet, afficiat, ac interiorem dispositionem benè ordinet, quam omnis alia industria, aut oblon-

ga instructio. interea rogantes eximè litteratos viros, ut quæ hic simplici styllo ponuntur, in theoria latius per sententias probata requirant; quo ita tandem iudicium plenum formare valeant. iam verò dictis, quæ ad ordinem, stylum, & modum praxis pertinent, consequenter dicendum erit de charitate, pro ut in genere eius perfectio consideratur,

Continuò maior radicatio in charitate, per omnes status & exercitium actus, alias atque aliam conformem tamen, requirit operationem.

ARTICVLVS SECUNDVS.

Ignis b nunquam dicit sufficit. ac si diceret, ô pia anima, sicut ignis, quamdiu ei ligna subministrantur, absque cessatione, continuò sese extendit, & insatiable appetitu omnia in sui naturam conuertit: ita quoque ignis spiritus Sancti; per amoris infatigabiles actiones, absque vila limitatione, quamdiu in hac vita peregrinamur à Domino, sese protendit, dilatatque: non tamen confuso, sed maximè ordinato progressu. & ideo, cum natura intellectus nostri sit, intelligere per conuersionem ad phantasmatá, primo omnium in sua cum amore diuino operatione, à phantasmatibus abstrahit, & cœlestes quasdam regiones, dimensiones latitudinis, longitudinis, sublimitatis, vel profundi dein visus aliquos sursum, vel deorsum, antrorum, vel retrorsum, finistrorum, vel dextrorum, ubi, situsque

Q

mcn-

a Et sanctorum Dionysii, Bonaventurae, Thos. & passim omnium. b Proph. 38.

mentales substituit: quonsque pars intelligentiae actionibus obtentis, illicet motibus circularibus, rectis, vel obliquis, amoris benevolentiam distribuat, & ad alimentum confortij diuinæ naturæ digerat, iucundè admodum. præsertim cù in statu Transformacionis, gratia sanato animo, (ex habituali dono sapientiae) sicut velle, ita etiam perficere adiaceat; ita vt in mysticis supremis actionibus, ita possit, sicut vult, nec plus velit, quam possit, de quibus, & similibus ordinatè per singula latius habetur infra per totum; hoc loco contenti, breuiter ad vniuersalem notitiam dixisse, quod maior radicatio in charitate, & perfectio progressus mystici, per omnes status, & exercitium actus, continuò aliam, atque aliam, (conformem tamen) requirat dispositionem, & operationem: licet in notabilioribus regionibus, quando ab infima ad medium, aut à media ad supremam, ascenderit, vel descenderit, aut vicissitudinem notabilium operationum subierit; peregrina vt cunque hæc omnia videantur, in principio sicut etiam contingit ad aliam domum migrant, aut nouam melodiam audienti; licet enim dominus secunda pulchrior, & pretiosior; & cantio sequens longè suavior sit prima: attamen quo usque prioris ex toto obliuiscatur, & præsentis assuescat, non nihil ingratum, ac insolitum videbitur, id quod perfectius est. ne quis vero speulationem in his sufficere credat, consequenter dicendum erit,

*Quod propter varia accidentia huiss vita;
Mysticus quandoque deficiat ab intellectu
ordinis practici, & eius execu-*
tione.

ARTICVLVS TERTIVS.

D eprimta terrena inhabitatio sensum multa cogitantem, ac si diceret, o pia anima, qualicunque bono, quomodo tunc priuet originale peccatum, seu actuale, eo ipso priuat modo, specie, & ordine; vt vel ideo tanta apud homines in rebus agendis reperiatur ignorantia: maximè vero in operationibus usque ad occultis, & internis, in quibus Deus posuit tenebras, latibulum suum; vt iuremerito dubius habet, an sursum, an vero deorsum, sinistrorum vel dextrorum, procedendum sit, cum exinde eius internus visus, sicut oculus corporis facillime, & à minimo puluere obscuretur, ne quidquam videat; iuxta illud apostoli, quid oremus, nescimus, contingit enim illis, quod pueris inter se colludentibus, dum unus illorum, ve lata facie ad circumstantis vocem, vel tactum, celeriter accurrit, sperans appere, quem ibidem loquentem, tangenter perceperebat, quamuis frustra; cum illicet, ad alium locum se se receperit, ita prorsus, stupendus Dei lulus est in pia anima, quando amoris quadam conuersione, desiderium illius allicit, & mox insequentem fugit, vt attrahat amplius; & si aliquando inuentum audiē stringere voluerit, subito, vt etiam hoc ipsum non aduertat, iterum abeat, ita vt nesciat quoniam ierit: atque eiusmodi

a Sap. 9.

modi vicissitudine, maiorem in omnibus cautelam, malarum inclinationum mortificationem, virtutum appetitum, & amoris perfectionem, paulatim inferat.

Cum etiam vnicuique seminetur proprium corpus, propter varia illius accidentia, scilicet natura melancoliā, tribulationem aliquam magnam, passionum inordinatarum vehementiam, mentis hebetudinem; ac etiam diuinam multimodam dispositionem, spiritusque depurationem, sēpē mysticus inordinatē turbatur, aut improportionato modo in operationibus internis procedit: in tantum, ut facillimē, sicut ab intellectu ordinis practici; ita etiam ab eius executione deficiat. præsertim quod habeamus thesaurum in valis futilibus, & quamplurimi incommodis, tam corporis, quam animæ subiectum, ita ut vel idēo inter sanctos eius nemo immutabilis sit. vnde etiam usque ad statum transformationis, frequens sit interruptio fruitionis mysticæ, ita ut pia anima, in toto suo habere, vivere, & operari, ex integro, ac iuxta intimum spiritus desiderium non sit satisfactum. Deus enim autor gratiæ, & donorum supernaturalium, in suis operationibus ordinatē, ad instar naturæ, à minus perfecto, ad magis perfectum ascendendo, deducit: & labentibus annis charitatem ordinat, dans gratiam secundum mensuram donationis Christi, & annos Pauli, qui cum esset parvulus, loquebatur ut parvulus;

cum autem factus esset vir, evanesceret ea, quo erant parvuli, & cum vidisset per speculum in ænigmate, tandem raptus in paradisum, audiuit arcana verba, quæ non licet homini loqui.

Quapropter, si mysticus non procedat, eo quo traditur pratico ordine, non est, quod tam remoram sui perfectus admiretur, aut de nostra deductione, vacillantem animum concipiatur; quam quod arcana cordis sui penitus inspiciat, ibidemque inuentas impedimentorum illaqueationes, dissoluat, pro virili conatu emendet; semperque ad anteriora se se extendat, si quo modo tandem aliquando comprehendat, in quo & comprehensus est, in Christo Iesu Domino nostro. hæc autem ut faciliora euadant, consequenter dicendum erit,

Quis sit modus inueniendi proprium statum practicum.

ARTICVLVS QVARTVS.

Altiora a te ne quæsieris, & fortiora te ne scrutatus fueris. ac si dicearet, ô pia anima, inordinato appetitui, quo etiam ad diuina fertur, ea solet inesse ambitio, ut supra sortem, statum, & conditionem, sibi proportionatam facile efficeretur; præsertim, quando inter æquales, alijs præstare, animus gloriicit, vel (quod periculose esse consuevit,) si vltro se ingerens, magistrum spiritualem

Q 2 le ip-

a Eccles. 39.

se ipsum quis constituat, eo pietatis velamine, naturæ libertatem, & commoda consecuturus; præcipue cum deuoto sc̄emineo sexu: tum enim altiora scrutari, & quærere, ut nocuum quid, caueri debet.

Qui vero ex toto corde per diuini amoris auxilia, naturæ vitia superare, & virtutis studia sectari contendit, is profecto diligentि cura quærere, & scruntari debet omnia, & singula, quæ proprium statum concernere videntur; quamvis illa sint, quæ vel de infinitis, vel de perfectissimis statibus, & operationibus scripta leguntur. quod quidem ut utiliter fiat, & morali certitudine mysticus quilibet statum suum proprium inueniat, illique in operationibus se recte conformet; ab initio prima partis omnia legat oportet, quo usque ea inuenierit, quæ propriam interiorem dispositionem explicant, & depingunt: ita ut nec ex præcedentibus, nec ex sequentibus perlegetis ita moueatur, sicut verbi gratia, ex ijs quæ in statu contemplationis affirmantur habentur. tunc enim certum est signum, ipsum statum meditationis, & adspirationis excessisse; statum autem Præstationis nondum, multoque minus statum vñionis attigisse. nec idē talis lectio omittenda est, quod forte iam à multis annis, vitæ mysticæ initia dederit, aut omnes status primæ, & nonnullos etiam secundæ partis, excesserit. nam diligens eiusmodi

lectio iudicium format, & non tantum vñiversalem statuum notitiam, ordinem, & consecutionem; sed etiam conditiones occultas proprij status manifestat.

Ne autem altiora te quæsieris; obseruandum erit; quinque substantiales, & magis notabiles esse status, seu modos, a vñiformiter ut plurimum, in suo interiori operandi, per dies, annos, & tempora: primus est, quando per meditationem, alpirationem, & contemplationem modi affirmatiui, vel negatiui, in Deo intellectus illuminatur, ut voluntas inflammatu; & hic status comparatur statui, in quo fuerunt Apostoli b ante Passionem Christi: Subdiuiditur tamen hic status, in alios tres iuxta praxin quotidianam, qua alij in meditationis, alij in adspirationis, alij in contemplationis exercitijs, ac modis, totam vitam ut plurimum, expendunt: aliter nihilominus in singulorum statuum initio, aliter in medio, aliter in fine sese accommodando. ut majori perfectioni semper locus detur; licet verbi gratia, in statu meditationis, totam vitam expenderent. Secundus est privationis rigorosæ, quando anima in spiritu fortitudinis, capax est, ut omnibus posthabitatis solatijs, & pijs deuotionibus, spolietur. & hic status comparatur statui, in quo fuerunt Sancti Apostoli tempore passionis Iesu Christi Domini nostri. Tertius est vñionis,

quan-

a Ut etiam in f. Dec. 1. a. 6. b Similia Taul. in Asc. Domini 5. 2.

quando paulatim animum resumit ab habita pressura, ad operationes purè spirituales, & quodammodo cum Apostolis in vnum congregatis, exspectat, & exspectando orat, spiritum proprium disponit, magnificat, subleuat, & superexaltat: qui quidem status assimilatur temporis, quod interfluxit à resurrectione Christi Domini, usque ad ascensum eius in cœlum. Quartus est, quando in summo status unionis, post omnes proprij spiritus & subleuationes, tandem accedit subtilissima vacuitas, & simplicissima quædam capacitas, ad susceptionem gratiæ Transformationis per donum sapientiæ supernaturalis; & hic status similis est statui, in quo fuerunt Apostoli, quando iusti sunt in oratione & ieunio exspectare aduentum Spiritus Sancti Paracleti. Quintus est, quando ultima dispositione posita, donum sapientiæ supernaturalis à Deo infunditur, ut deinceps pia anima in amoris exercitio sic possit sicut vult, & sic eius posse, sicut eius velle adiaceat, totaque harmonia omnium potentiarum arridente, aliter in Deo non velit, quam possit: & hic felicissimus status assimilatur statui, in quo fuerunt Apostoli post acceptum Spiritum Sanctum; qui etiam subinde apud eminentiores mysticos, ad gratias præstantiores, scilicet Ecstases, raptus, miracula, & alia huiusmodi, statui sanctorum b viatorum propria, eleuatur.

In quocunque ergo horum statuum,

ordinariè, realiter, & cum vitali operatione se repererit, in eo etiam statum suum habebit, & magis secundum hunc, quam alios, aut præcedentes, aut subsequentes, operari poterit. Unde etiam ea quæ scribuntur, in, & de aude alijs statibus, in præsentii ipsam piam animam non afficiunt, nec vitali gustu mouebunt, tanquam aut præterita, & sic nimis parua; aut tanquam à longè ventura, & possibilia; ad præsens tamē nimis remota. quia verò non sufficit proprium statum practicum inuenisse; consequenter dicendum erit,

De modo utiliter legendi praxin, ad præspectionem proprij status.

ARTICVLVS QVINTVS.

Nos non spiritum huius mundi accipimus: c sed spiritum qui ex Deo est, vt sciamus, quæ à Deo donata sunt nobis. ac si diceret, o pia anima, si quis ea, quæ ad amoris diuini amicitiam faciunt, consequi voluerit; is certè humili corde, & animo demisso accedere debet ad spiritum, qui ex Deo est, suadibilis, ac bonis consentiens; tum enim quæ in mysticis libris leguntur, intelligi solent, quo ita facilè, & subtiliter, (quamuis litteratus quis non fuerit) sciat abscondita illa, quæ à Deo donata sunt, & necessaria ad continuationem veræ, ac realis fruitionis amoris diuini. qui autem spiritum huius mundi accepit, & audaculo ingenij pruritu ad lectionem accedit, vt potè scientia inflatus, longè

Q3

facilius

a Vt infra parapb. 8. a. 5. b Inf. Dec. 9. c 1. Cor. 2.

facilius inueniet, quod etiam ne quidem intelligens blasphemet; & in ijs quæ nouit, tanquam non satis eleganter dicta, & subtilitati suæ nimis grossa, corruptatur; quam, ut vel æquo animo ferat, vtilitatî simplicium, & singulari ratione Deum amantium prospectum esse.

Pia ergo anima, quæ sincero corde appetit scire ea, quæ à Deo sibi donata sunt, meminisse debet, quod cum ex natura intellectus nostri (cuius proprium obiectum est, quidditas in materia existens) de mysticis nil dici, multò minus & scribi possit: quin aliqua dimensione, seu sphærica similitudo, ceu phantasma, & sancta quædam imago adhibeat; vel idè nos in praxi huius secundæ partis, in eo studium, & laborem collocasse; vt in lectione eorum, quæ ad statum proprium fecerint, in ipsa imaginatione, seu interno sensu resultant eiusmodi dimensionis divinæ, aut sphærica quædam similitudines; quarum intuitu intellectus agens illicè propriam speciem elicere possit, ad operationem, vel, quod idem est, ad verbum mysticum, in Nunc præsentî conuenienter formandum, iuxta operationes inferiùs b positas, quo etiam fidelem practicum remittimus, statim vt se ab habita pressura status priuationis expedierit, & absolutis ijs, quæ in initio status vñionis tractantur, ad medium regionem ascenderit. ibi enim incipit noua vita, & vitalis usus amicitiae Dei; ita ut facile operationes, seu verba

mystica, quæ ad contemplationis continuationem requiruntur, formare possit. quod ut vtiliter fiat, cum semel legisse, & vidisse, verè amanti non sufficiat, diligenter, & frequenter legat ea, quæ verbi gratia habentur in initio statutus priuationis, & dein secundum praxin, quæ per totam paraphrasin positâ est, quamdiu circa initium versatur, se exerceat; donec probabiliter inueniat, ad vñteriora desiderium, progradienti: ac tum legat ea, quæ per totam paraphrasin in medio habentur, ut conformiter ad praxin positam cooperetur; quousque nec in his sibi amplius satisfiat, ac tum demum ad ea, quæ in fine priuationis habentur, se conferrat, & cooperari studeat; atque ita etiam, in alijs sequentibus statibus, eorumque initio, medio, & fine agendum erit.

Non tamen ea quæ scripto etiam ab expertissimis tradita sunt, ita religiosè, aut potius impertinenter legi debent, ac si in omni loco, & instructione, ex ipsa lectione vitalis species mystica resultare debeat, & appetentis desiderio satis facere per delectationem, quæ prouenit ex bono realiter coniuncto, quæ enim scripta sunt, ad nostram doctrinam scripta sunt, ut per scripturarum modos, congruè assignatos; sele exerceare, & disponere quis possit, ad species vitales consortij diuinæ naturæ eliciendas. & tales species non semper elici, non tam à doctrinæ præscriptæ defectu, quam à praxis ad Hic, & Nunc non

a Hic. n. 6. & inf. Dec. 4. 4. 4. b Paraph. 6.

non propria accommodatione, maxima ex parte procedit: nisi forte (etiam quacunque, & propria doctrina, & se se accommodandi ratione adhibita) Deo per subtractionem actualis, & vitalis amicitie, melius aliquid pronidente: id quod frequens est, quandiu in statu transformationis, animum gratia sanatum, per donum sapientiae modi supernaturaliter agendi nondum affectus quis fuerit. pari modo ea quae scripsimus, non tam auida cupiditate legenda sunt, tanquam omnia dubia, quae ab unoquoque excogitari possunt, ad amissim explicare debeant; hoc namque impossibile est. cum enim circa infinitum obiectum, scilicet Deum, versemur, & pia anima ex se ipsa, infiniti sit capax, quis infinita similia narrabit? unde etiam, vel in ipso summae titulo, solummodo notabiliores operationes, & vicissitudines promisimus, & mystica, melius familiariter colloquio, quam scripto dilucidari, afferuimus, cui etiam accedit, non omnia posse in uno loco dici; sed propter spiritualis prospectus accrescit, ampliora, & perfectiora adduci. ac etiam ea, quae in Theologia Mysto-scholastica habentur, ab illiteratis posse legi, ut ex illis pariter, pro suo quilibet captu, erudiiri valeat; ac tandem in omni accidente tam industrius fieri, ut tanquam spiritualis, omnia dijudicet; breuitatemque nostram copiosè suppleat. & hoc ut utiliter fiat, cum primis in lectione huius praxis obseruandum venit, piam

animam sèpè aliquot mensibus sele exercere debere in eo, quod vel in unico articulo continetur, (est enim notabilis mutatio, & gradus b quidam) priusquam illa, quæ sequenti articulo dicuntur, practicare possit, quia verò in actus exercitio quotidie, & omni propemodum hora, noua, & alia atque alia dispositio, vel operatio, subsequitur; ut vel scripto impossibilia sint, vel codices immensi scribendi forent, hinc consequenter dicendum erit,

Familiaria colloquia de mysticis in praxi efficacius illuminare, quam ea quae scripto traduntur.

ARTICVLVS SEXTVS.

Factum est cùd fabularentur, & secundum quererent: & ipse Iesus appropinquans ibat cum illis. & dixerunt nonne cor nostrum ardens erat in nobis, dum loqueretur in via, & aperiret nobis scripturas? Ac si diceret, o pia anima, vbi sunt duo vel tres congregati in nomine meo, de rebus deuotionis loquentes, ibi sum in medio eorum; ut scilicet ipsorum colloquia, diuinæ bonitatis praesentia beare, & veritatis lumine illustrare, valeam; & ideo se Dominus discipulis de seloquentibus adiunxit, dubitationis tenbras scripturæ interpretatione diluit, & ardentis amoris gaudio impleuit, delitiae enim ipsius sunt, esse cum filiis hominum, maximè quando de ipso, eiusque Diuinitatis praestantia, colloquia sancta

a Hic a.6. b Ut latius habetur infr. par. 6. a.4. c Luc. 24.

sancta miscentur; quo ita tanquam hie-
rarchici ordines, inferiores à superiori-
bus illuminentur, altioraque abscon-
dita diuinæ naturæ consortia distri-
buantur, ad summi illius boni fruitio-
nem continuandam, ac magis, magis-
que in charitate radicandam. quod
quidem longè meliùs, faciliùs, clariùs,
ac largiflue magis familiari colloquio,
quam scripto fieri, præter quotidianam
praxin ipsa ratio conuincit. quæ enim
scripta sunt præsertim de vltimis, &
perfectioribus tum statibus, tum ope-
rationibus; ea tanquam liber, quem Io-
annes in cœlo vidit, intus & foris scri-
ptum, duplicem habent in sui lectione
difficultatem. primò quidem foris, &
secundum verum, ac genuinum sen-
sum; qui etiam ipsis scholasticis, & viris
sacra doctrina maximè instructis, fre-
quenter oblicurus est. Secundò vero
intus; quia nimirum in practico exer-
citio, difficulter elicetur ille mysticus
sensus, seu potius species, ad Hic, &
Nunc instans propria, ad veram, & vi-
taliter elicientem operationem neces-
saria. & hoc ipsum, vel quod mysticus
scribat superficialiter, & speculatiuè, ac
pro ut rationis iudicio de his sagax in-
genium discurrere potest; vel quod et-
iam in sacra doctrina, & praxi amoro-
sa expeditissimis contingit, quod ea
quæ scripserunt, nonnisi notabiliores
status, operationes, & dispositiones re-
spiciant; vel quod prudentiori loquu-
tione opus sit in ijs, quæ in publicum
abeunt, quam quæ auribus insonant.

quod postremum quidam non aduer-
tentes, & forte in sacra doctrina non
satis versati, licet pij Catholici sint, que-
dam scripserunt, quæ iure merito ab
illis, quibus credita sunt eloquia Dei,
reijcuntur.

Eapropter, familiares inter se amici
Dei, frequenter in arcans colloquijs
magnam impendunt moram, & an-
gelicis penè collationibus mutuò illu-
strantur; sibi ipsis, pro vt in sua quili-
bet arte facere solet, verba, terminos,
ac similitudines fabricantes; pro vt
summa illa, & verbis inexplicabilia bo-
na, quæ Deum diligentibus præpara-
sunt, exposcere videntur; vt exindè in
prima illa veritate, simul idem lumen
intelligendo, idem summum Bonum
simul diligent, nemini dantes ullam
offensionem: præsertim si cum alte-
rius sexu, illa, de qua supra a dictum
est, cautela adhibeat. tum enim qui
ex aduerso est, veretur; nihil habens
maliloqui se nobis; nisi ad illam mali-
tiaz colluuiem prolapsus sit, vt qualem
se in brutali concupiscentia aduri sen-
tit, tales etiam in cœlestibus colloquijs
conuersantes, iudicet, cauilletque. cum
autem frequenter quorundam verbo-
rum, & loquendi modorum fiat men-
tio, ideo hoc loco simul explicantur, &
dicitur,

*Quæ sit differentia inter mysticos fundos,
Dimensiones, Spheras, Regiones, Vbi,
situs mentale, soperationes seu
verba, ac status.*

ARTI-

a 1. par. Dec. x. A. 8.

ARTICVLVS SEPTIMVS.

EX Christo totum a corpus compactum, & connexum per omnem iuncturam subministracionis corporis, secundum operationem in mensuram vniuersitatis membra, augmentum corporis facit, in edificationem sui in charitate. Ac si diceret, o pia anima, sicut suis spatiis transeunt vniuersa sub sole, & omnia, & singula eorum quae sunt; diuinæ, & ab oculis hominum absconditæ sapientiæ vestigium, & particulæ quedam sunt visibles, & alijs, atq; alijs modis, potentijs, etiamque intensioribus, aut remissioribus actionibus perceptibiles; ita quoq; id, quod in mente nostra, ac spirituali natura, tanquam summè intelligibile quodammodo occultum est, & etiam supra intellectum, & mentem agitur; per varias perceptibiles differentias, & ad inferiora dimissiones, modo accommodatori, crassiori, & imaginationi, sensuque vicinori sese conformare debet: usque ad resolutionem rerum materialium, quarum quidditas obiectum proprium est rationalis creaturæ.

Amor ergo, & veritas cum non habeant imaginem, maximè propter amor intellectum, & mentem excedit, & animam in optimo modo a Deo accipiendo, in hac vita constituit; & veritas supra verbum formatum, perfectum, & absolutum in spiritu, notitiam incomprehensibilem, ut id ex quo, aut de quo verbum formari potest, contineat; tanquam eminenti modo, operationibus potentiarum inferiorum

incommunicabilis sit: oportet, ut secundum naturæ ordinem, propter colligantium virium animæ in una essentia, & animæ, & corporis in uno esse compositi, vires superiores, & inferiores, & etiam corpus, & anima in unum in se influant; quod in aliquo eorum superabundat.

Et ideo à perfectissimo ad perfecta, & imperfectiora procedendo, cum anima in amoris excessu, verbi gratia, supra mentem, & actiones intellectus prius constituta, dein ad intellectus functiones restituta fuerit, pro subtillisimo, & primò, quod in spiritu contingit, est resultantia speciei Agalmatis, quæ diuinæ naturæ perfectissimam quandam similitudinem continet; ut iterum mentaliter operari possit: quo usque simili modo, amor intensus operationes intellectus extra statum suum dimoueat, ad alium amoris excessum. postquam autem post vicissitudines similium operationum ad notitiam reflexam mysticus descenderit; speciem aliquam dimissorem intellectus fabricat, & situm quandam mentalem, vel ubi, simul coadstare animaduertet; dein si dimissus operatio fluat, phantasie loco regionem aliquam, ceu orbicularem sphæram, in eaque dimensionem quandam sublimitatis, longitudinis, profundi, vel latitudinis obleruabit; quo ita in edificatione, seu maiori radicatione in charitate, totum hominis compositum, & connexum, per omnes iuncturas

R

ras

a Ephes. 4.

ras operationis perficiatur, diuinaque
benificias proportionatè distribuat,
tam insimis, quam supremis animæ vi-
ribus. & hinc sit, quod sicut non potest
dicere oculus manui, opera tua non in-
diget, aut caput pedibus, non estis mi-
hi necessarij; ita etiam quæ supra intel-
lectum, & mentem fiunt, non possint
dicere intellectui, & rationi, aut intel-
lectus; ratioue imaginationi, ac sensi-
bus, non estis mihi necessarij. quia li-
cet his, in supremis operationibus non
indigeant; attamen in ordinario viuen-
di modo huius vitæ, & in ijs omnibus,
quæ excessibus amoris inferiora sunt,
plus, minus illis indigent: cum intelle-
ctus nostri obiectum, sit quidditas in
materia corporea existens. atque hic
est modus influendi à supremis viri-
bus, ad inferiora; quando scilicet ani-
ma post amoris excessum, paulatim ad
inferiora, & sibi innata relabitur.

Postquam verò, modo ordinario,
per operationes intellectus agentis, à
minus perfectis & ad perfectiora, &
perfectissima ascendendum est; ab ijs
quæ sensuum, & phantasie loco sunt,
incipere cogitur. & tum, vt animus
quodammodo de nouo, ad proprias o-
perationes vestiri possit, omnium pri-
mo sentitur fundus; b qui aliud non
est, quam à Deo in nobis concreata, &
eternum (etiam in damnatis) durans
ad Deum, vt ad summum bonum, ten-
dentiā, desiderium, seu diuinitatis gu-
stus quidam, hic porrò fundus c du-
plici modo percipitur; Primò per mo-

dum cordis, siue centri, & pro vt ex eo
principium operationum internarum
profluit ad circumferentiam aliarum
potentiarum, & operationum: & tum
actuale exercitium unitui amoris sit in
virtute concupiscibili, & sub ratione,
summi boni duleiter amati. secundo
verò percipitur hic fundus, seu ad De-
um innata tendentia, in virtute intel-
lectuali, quando supra affirmationem,
seu amorosam in Deo bene affi-
cientiam, per negationis præstantiam om-
nia transcenduntur, & in spiritu ad
summum pulchrum, conformiter ad
substantias separatas, depurata intelli-
gentia, fit penetratio: prout de vtroque
hoc fundo, præ omnibus Myticis,
Tauerus frequenter lolet utrissimum,
quamplurima loqui. hoc porrò fundo
excitato, siue hoc ipsum per modum
cordis, siue per modum spiritus, fiat; i-
licò visuri interno, vt infimum quid
sensuum internorum, se se offerunt
dimensiones quædam, scilicet latitudi-
nis, longitudinis, sublimitatis, vel pro-
fundi: qui quidem visus, pro noua a-
ctuali interioritate à tumultu sensuum
rerum mundi, seu quæ ad rem mysti-
cam non pertinent, abducit, & vel dex-
trorum, vel sinistrorum, deorsum, vel
sursum, pro vt in præsentiarum ope-
ratio spiritus expostolauerit, attrahit; de-
in ad boni æterni perfectam simili-
dinem, scilicet orbicularem aliquam
sphæram, cœlum, vel regionem quan-
dam perducit, in eaque situm aliquem
tribuit, plus minus animum eleuando,
vel depri-

a Ut latius inf. paraph. 6. b Fundus mysticus quid sit. c Est duplex.

vel deprimendo; ac postmodum in Vbi aliquod constituit, ita vt taliter sit ibi vt similiter hic non sit, plusque ibi sit, vbi amat, quā vbi animat; & donec omnia dicta tanquam umbras duntaxat, latibula, particulas, ac interpretes diuinæ magnitudinis, non amplius necessarios deferat, & puram summi boni Speciem vel similitudinem, per intellectum agentem exprimat, atq; ilicò per intellectum patiētem, totam rationem boni intellecti efformet: vt ab utroque intellectu pulchri amor resultet, quod idem est, ac verbum Mysticum proferre, seu per operationem internam, pure Deum intelligere, & diligere. & hoc ipsum ita continuo per successivas operationes, seu nouos, semperque dilucidores intuitus, & sublimiores amoris actus, ex naturali intellectus, & voluntatis fœcunditate, facile, iucundè que in ipsa fruptione, etiam quasi ignaranter, & absque notitia reflexa, seu quod actu operans ad hoc se reflectat, profectos: donec tandem mentis deserens actiones, impetu amoris extra proprium statum, in diuinæ naturæ consortium felicissimè dimoueatur. & hoc quidem per omnia apud illos, qui pro consuetudine exercitatos habent sensus; (præsertim si animum gratia ad mensuram doni sapientiæ, sanatum habeant) tam celeriter contingit, vt vix aliquos liceat confidere passus, quin anima ab infimis usque ad supremam, condescendat, scilicet in exerci-

tio actus, seu pro hic, & nunc: id quod in unica horula orationis mentalis, vel pluries fieri consuevit; licet mysticus hoc ipsum non aduertat, sive praxis, sive iudicij defectu. hæc tamen celeritas, per modum status, id est, secundum uniformem (vt plurimum) modum operandi locum non habet. priusquam enim verbi gratia, per statum unionis ab infimis per media usque ad supra omnia perlustret, ascendatque; dies, anni, & tempora labuntur. & ideo alia est operatio ilicò in exercitio transiens, &, vt ita dicam paruis, & minutis operationibus fruptionem continuans; & alia per statum, lineam maioris radicationis in charitate, & vt ita dicam, magna, & longa affirmatione, vel negatione, extendens, pro ut latius tam in deductione statuum, quam pro exercitio actus, operationum, per totam hanc summam explicatur. hic autem ad maiorem notiam consequenter subjicitur.

Brevis deductio eorum, quæ eueniunt
in praxi per omnes status se-
cunda partis.

ARTICVLVS OCTAVVS.

Existimabam vt cognoscerem hoc, labor est ante me, donec intrem in sanctuarium Dei, & intelligam in cœnouissimis eorum. Ac si diceret, O pia anima, quæ in statibus prima parte explicatis, propter varias, & insignes diuinæ præsentiae

R 2 bene

a Ut latius infra Dec. 4. & 6. & paraph. 6. & 9. b Quomodo proferatur verbum Mysticum.
c Psal. 72.

benè affientias, pacati animi solatia experta es; ita ut iam quasi de perfectionis statu adepto gaudere videreris, ac summa mystica intelligere possidere que, iam nunc prius est labor ante te, dum præterita amplius non sunt, & ad futura magnum chaos priuationis rigidæ interpositum subodorari incipis. verè itaque adhuc labor est ante te, quia præ acquisitus amor mysticus, per omnes status scilicet meditationis, adspirationis, & contemplationis, siue affirmatiui, siue negatiui modi, toto & hoc statu priuationis depurari debet, ac septuplum colari, sicut argentum, & aurum: & hoc quidem tam diu, donec per statum vñionis, intres in sanctuarium Dei; intres, inquam, status enim vñionis per suum ascensum, ab infinitis perpetiæ priuationis, modicè adhuc, & minora quidem, quæ de vñione mystica habentur, porrigit: non itaque sufficit, hoc modo sanctuarium Dei intrasse, & arcano, ac supernaturali modo diuinis fruitionibus interfuisse, nisi etiam in statu transformationis, per donum spiritualis sapientiæ perfusa, in nouissimis, & supremis, diuinæ naturæ confortijs, intelligas perfectissimè, quæ nec oculus vidit, nec auris audivit, nec in cor hominis non experti, ascenderunt; sed solum purè, & constanter Deum diligentibus præparata sunt.

Vt autem hæc penitus intelligere valeas, diligenter obseruandum erit, quod sic est regnum Dci, quemadmo-

dum si homo iaciat sementem in terram, & dormiat, & exurgat nocte, & die, & semen germinet, & increbat, dum nescit ille. tam ordinata enim & subtili alteratione, semen in terram proiectum à se ipso deficit, in herbam, spicam, & frumentum in spica, excrescit, vt hoc ipsum nullo quantumvis etiam fixo intuitu videre possis; sed solum post dierum, aut septimanarum circulum: tum enim si quis reuersus semen inspexerit, quantum ab ultimo tempore, quo illa vidit, acreuerint, clare dijudicat. ita prorsus in maiori radicatione charitatis per mystica exercitia contingit. cum enim charitas non ex quo libet actu charitatis augeatur; sed moralem quandam multiplicitatem requirat, primo quidem in statu priuationis, cum semente in terra quodammodo moritur, & ab imperfecto, & naturali operandi modo paulatim absolvitur: in vñionis vero statu, in altum excrescit; ac tandem in transformationis statu, fructum centuplum amicitiae Dei colligit. & hoc ipsum moderato, & maxime ordinato progrestu: quem etiam non omni die, sed post aliquot mensium decursum melius animaduertet. sicut etiam montem ascendens, vel descendens, non quolibet passu; sed post plures passus, notabilem ascensum, vel descensum sui animaduertit. de quo etiam, vel ideo singulariter pia anima moneri debuit, vt si moram traxerit sponsus venire, & pluribus

a Vt parah. 2.3.4. b Marc. 14.

& pluribus etiam annis, ambiguo even. voluerit. & hisce quidem in genere, tu, susque deque pelagum dilectionis & ad notitiam eorum, quæ vniuers. arcanæ, transnauiget, non ideò ani. saliter ad varia referuntur, præ- missis, ad specialia singulorum sta- ritatis se le constringi, trahique finar, tuum, & operationum transcendum quoconque impetus diuini spiritus est.

P R A X I S
STATVS PRIVATIONIS
ET PRIMO.

DE IIS QVÆ FIVNT IN INITIO
PER AMOREM DEFICIENTEM A VIVACI-
TATE INTELLECTUALI.

PARAPHRASIS SECUNDA.

Quæ est ista, quæ progreditur quasi aurora consurgens? quæ progre- ditur ait, ac si diceret, non subito, aut prius non visa, hæc pia anima ambulat; sed iter suum feliciter persequitur, à prioribus sci- licet statibus, de quibus prima parte dictum est, ad vleriora spatia, regionesque progrediens; non contenta primam, & secundam di- lectionem, ac Dei præsentiam incipientium, & proficientium mo- dis conformem, sibi inescasse: sed futuram, & perfectiore inqui- rens, quæ vtique quasi aurora consurgit, rutilans duntaxat, ma- gisque ignem, quam lumen spirans: dum toto hoc statu priuationis rigorose, in camino diuini amoris ad purum excoquitur, & spirituali sanguinis profusione, ad instar martyris, in nouum hominem, qui secundum Deum creatus est, formatur; pro ut ordinatè secundum ea, quæ in praxis initio, medio, & fine cuiusq; status, contingunt, la- tiūs dicetur in sequentibus,

R 3

I. Brevis

a Canti. 6.